

**Silap pissusaanut tunngatillugu
suliniutinik ineriartortitsinissamut
maleruagassat
(Silap pissusaanut aningaasaliissutit)**

Siunertaa

Suliniutit imaattunik siunertallit tapiiffigineqarnissaanut qinnuteqartoqarsinnaavoq:

- Silaannaap allangornerata pinngortitamut inuiaqatigiinnullu kinguneqartitsinera pillugu ilisimasat annertusineqarnissaat.
- Silaannaap allanguutaanut naleqqusaanissamut periusissanik ineriartortitsinissaq.
- Silaannaap pissusaata allangoriartorneranut naleqqussarnissami pilersaarutitut aallarniutaasussanik aallartitsinissaq.
- Paasissutissaliornissaq aamma paasisitsiniaanissaq kiisalu susassa qarfigisatigut ilisimasanik avitseqatigiinnissaq.

Sullinniakkat

Innuttaasut, suliffeqarfiit, paaqqinnittarfiit, peqatigiiffiit kommunit il.il. aningaasanik qinnuteqarsinnaapput.

Aningaasaliinissamut piimasaqaatit

- Suliniummut atatillugu aningaasartuutissat tamarmiusut minnerpaamik 30 procentii nammineerluni allatigulluunniit aningaasaliissutigineqassapput. Akissarsianut aningaasartuutit nammineerluni aningaasaliissutissanut ilaassapput.
- Suliniut Kalaallit Nunaanni aallaaveqartuussaaq.
- Suliniummi angusat misilittakkallu allanit iluaqutigineqarsinnaanngorlugit siammarterneqassapput.
- Suliniut kingusinnerpaamik 1. december 2019 naammassineqarsimassaaq.

2019-imi aningaasaliissutit

Silap pissusaanut aningaasaliissutit Pinngortitamut Avatangiisinut Ilimatusarnermullu Naalakkersuisoqarfimmit aqunneqarput. 2019-imi naalakkersuisoqarfik katillugit 400.000 kr.-inik agguaassissaaq.

2019-imi qinnuteqarnermi periusissat, aningaasaliiffiginneq nalunaarummillu

suliaqartussaataaneq

2019-imut qinnuteqaatit kingusinnerpaamik ulloq 8. marts 2019 Pinngortitamut Avatangiisinut Ilisimatusarnermullu Naalackersuisoqarfianit tiguneqassapput. Silap pissusaanut aningaasaliissutinik qinnuteqaat immersugassaq atorneqassaaq immersugassallu tamarmik tamakkiisumik immersorneqarsimallutik.

Qinnuteqartut tapiiffigineqartut kingusinnerpaamik 29. marts 2019 akuerineqarsimanertik pillugu nalunaarfigineqassapput. Suliassaq aningaasaliissutinut siunertarineqartut iluanniinnersoq, aammalu aningaasaliinissamut piumasaqaatit naammassineqarsimanersut kiisalu qinnuteqartup Kalaallit Nunaannut atassuteqarnera, qinnuteqaatit tiguneqarsimasut nalilersorneranni Pinngortitamut, Avatangiisinut ilisimatusarnermullu Naalackersuisoqarfimmit immikkut pingaartinneqassapput. Assersuutigalugu qinnuteqaatit aningaasaliissutit ataatsimut katillugu annertussusaannit amerlanerusimappata, qinnuteqartut Kalaallit Nunaanni najugaqartut salliutinneqassapput..

Suliniut naammassineqarpat nalunaarusiarlu naatsorsuutitalik ilanngussanillu pisariaqartunik ilalik Avatangiisinut Pinngortitamullu Naalackersuisoqarfimmit akuerineqarpat aningaasat tapiissutigineqartussat tunniunneqassapput. Tassunga tunngatillugu nalunaaruteqarfissaq tassunga tunngatillugu suliaasimasoq atorneqassaaq taannalu ilanngussassat pisariaqartut ilanngullugit naalackersuisoqarfimmit kingusinnerpaamik 1. december 2019 tiguneqareersimassaaq.

Suliniunmut tunngatillugu paasissutissat, angusat misilittakkallu silaannaap allanngoriartorneranut atatillugu suliniutit pisortatigoortumik nalunaarsorsimaffiannut ilanngunneqassapput ilaatigut uani www.climategreenland.gl.

Attaveqarfigisimasanut paasissutissat

Pinngortitamut Silallu pissusaanut immikkoortortaqarfik

Pinngortitamut Avatangiisinut Ilisimatusarnermullu Naalackersuisoqarfik

Postboks 1614

3900 Nuuk

Nalunaaqutserlugu: Silap pissusaanut aningaasaliissutit

E-mail: pan@nanoq.gl, Tlf.: 34 50 00